

祠

部

集

二





集 部 祠
(二)

撰 至 強

祠部集卷八

七言律詩

南都二月二日憶杭州去歲之遊

去歲江頭對此辰。花邊弄筆詠青春。異鄉愁緒還隨客。今日風光不著人。贈贈官名侵綠髮。飄飄生理託洪鈞。湖隄草軟辜遊屐。空踏平臺陌上塵。

題姚氏三頭牡丹

姚黃容易洛陽觀。吾土姚花洗眼看。一抹胭脂勻作艷。千窠蜀錦合成團。春風應笑香心亂。曉日那傷片影單。好爲太平圖絕瑞。卻愁難下彩毫端。

文懿大師院假山

繞郭非無海上山。更收紫翠入禪關。竺峯飛過傳聞後。蓬島移來想像間。草樹細含生意足。雲烟輕帶野情還。主人高臥嵩衡畔。應放幽尋杖履閒。

宋都憶梅

古屋前頭幾樹梅。長年臘後已全開。自經遠別憑誰寄。欲問清香無使來。空與吟懷驚歲月。愁將客眼對塵埃。棗林榆莢粗疎甚。索寞山東把酒杯。

留別西京僉幕陳子雍著

夷門一別三年夢。洛宅相逢二紀心。人事漸隨詩筆老。交情似共酒杯深。從今日望青雲色。寄遠時傳白雪吟。不獨此間堪下淚。秋風無處好開襟。

題魯司徒廟

司徒精爽儼如昨。舊史風流傳至今。一雨能隨賢宰意。石舍人頌宰中牟。歲旱有禱於廟。不日甘雨霑足。千年不死愛民心。蟲緣壞壁青苔合。鳥噪荒庭古樹陰。桑雉逢人雖遠避。近來僮豎殺機深。

迂漕臺感書

郡縣齊瞻使者塵。馬蹄行處是霜威。前驅寧免爲負弩。高謝未能圖拂衣。顧己自知吾道在。折腰甘被俗人譏。古來策足皆貧賤。伊起耕夫呂釣磯。

送竇彥法學士被詔赴闕

綠髮傳家五丹桂。青雲錯路兩朱轡。鳳批天語來嚴詔。馬躍春風候禁門。造膝從容應有問。披心慷慨不無言。君王一見知堪用。未歷財闈定改恩。

剛叔以雅言題拙稿輒依韻和酬

每恨塵勞荒舊學。更慙篆刻得初名。聖賢闢奧期深入。風雅源流庶一清。短技示人方蓄縮。雄篇塵我太。爭榮君詩合作或詔祕。何爾輕馴鄭僕聲。

送江卿知徐州

鳧繹州山繡畫開。東方重鎮仗卿才。過家喜氣隨行蓋。入境懽謳接賀杯。玉甃試尋彭祖宅。金羈看戲項王臺。都門送別無新句。盡屬文通自賦來。

送程公關郎中知洪州二首

滕閣欄高紅蠨蝥。章江水闊碧琉璃。幾年氣象歸談笑。一道藩垣繫指麾。那待韓公來屬部。無勞王勃寫雄辭。使君自有文章手。能與山川作好碑。

君王從此不南憂。善付名郎第一州。笳鼓出嚴千騎從。旌麾坐制九諸侯。城顛觀閣屏間見。江底乾坤鏡裏浮。門下賢豪常滿榻。却應仲舉減風流。

送喬岑

世俗誰誇畫錦歸。鄉人應笑舊儒衣。一言許與經詞伯。三道聲名出禮闈。天府試策特爲主司所稱好在青雲須遠步。莫愁黃鵠不高飛。還家便養軒騰志。當使閭閻見面稀。

題錢安道節推環秀亭

翼轡虬簷插斗飛。乾坤秀色四輝輝。晴江對酒平如掌。晚樹開簾細作圍。笑裏城烏啼月過。吟邊巢燕掠花歸。主人風骨爭森爽。無處容塵到客衣。

送公濟還闕下

不候關征滿歲歸。

乞成資得請

邑人徒爾挽行衣。肯將淚對殘花落。應自心先去。鳥飛官向長安多富貴。君當

即日享輕肥。綠槐陰合天街後。恰綴宸班拱帝暉。

送劉伯壽團練致政歸洛陽舊隱

幾年笑傲負纒雲。一日重尋麋鹿羣。歸老漫賢疏太傅。不候誰念李將軍。霜天劍氣閒中見。月嶺笙歌醉裏聞。回首功名今似夢。逢人嬾說守邊勤。

和唐林夫正字韻

共是江山棄水雲。更同魏北走埃塵。官書斷手何多日。樂事回頭已一春。入夏解衣宜野逸。幾時縱酒到天眞。由來朋字難爲正。莫漫剛顏忤世人。

初秋與趙無愧小飲下關河亭。季秋送客復至其間。偶成短句。

秋早津亭一笑歌。紅妝晚景落清波。重來霜後攀疎柳。更向風前數敗荷。物理盛時能有幾。人生樂處亦無多。不知當日樽前曲。卻傍誰邊斂翠娥。

依韻和王立之中秋陰雲不見月

更長不見水精盤。搔首庭除夜向闌。一氣人間清自轉。孤光雲外好誰看。關河夜色暗朔漠。樓閣吟魂飛廣寒。幕府病眠憔悴客。獨無樂事可相干。

夜會洪方叔

別盃曾破菊花期。今夕相逢菊又衰。宦路經年能會合。人生何處免參差。漸驚老態侵常日。猶喜交情似舊時。一笑形骸俱自失。三更星斗席邊移。

再宿白巖院

寺在疎林積靄間。舉頭無處不蒼山。老松怪石莫知歲。幽鳥孤雲相與閒。袞袞紅塵嗟宦路。時時飛夢繞禪關。上方大士觀空坐。應笑喧闐數往還。

立之臨別。連以佳篇見貺。依韻和酬。

建溪夫子惠新詩。雅道深慙未得知。曲享鸚鵡真過矣。吟成款段復何之。日斜留羨山家茗。烟重愁燃客舍其。我繫一官君四海。可憐出處不同時。

依韻和居方觀崔生畫

古今畫手得名人。一物纔工自出倫。字與丹青俱是絕。勢關飛動不無神。浪傳誤筆成蠅點。那待青田寫鶴真。候鴈枯荷含遠意。江湖歸興劃然新。

次韻知郡郎中應期喜雪

公將民欲達天心。瑞雪如期白晝陰。皓色恍疑霄宇接。濃寒都爲歲華深。辭妍席右人雄贍。興盡溪邊客訪尋。鈴閣唱高宜和寡。不才剛綴郢中吟。

依韻和答晉倅洪君然都官三益見寄

別乘文章晚更奇。全家才業繼前徽。閩中蔡琰詩無敵。魚軒善詩膝下劉歆筆有譏。合子嘗論歷代頗有譏正歸意我慙彭澤柳。清腸君愛首陽薇。案頭簿領眞流俗。獨喜吟懷與世違。

丙午歲與府中諸君重遊張氏園慨然成詩

醉書曾記並遊人。今日重遊墨尙新。對酒年來驚白髮。惜花時復數青春。四方散落幾交臂。萬事參差一病身。傍水園林自蕭洒。不須出郭遠風塵。

題余公亭

公自披榛上築城。以公題榜壯圖經。名佳應與溪山久。地勝渾疑草木靈。到喜琴樽能滿意。退嫌圭組只勞形。異時邦俗思賢化。還似甘棠愛此亭。

喜晴

雷威無節雨霖頻。倍喜晴陽照火旻。野外芻蕘尋故道。田間簫鼓賽閒神。亂苗豎似痿人起。積靄披如舊屋新。更待高樓今夜月。一樽且樂有涯身。

中秋對月有感

西風入夜掃微雲。皓魄來無一點塵。樓閣通宵雙玉戶。水天隨處兩冰輪。光搖樽酒清宜客。影落關河思煞人。我向乾坤違樂事。孤蟾照淚滴衣巾。

送劉嗣復都官赴辟秦州幕府四首

安西幕府藹聲華。禮幣迎門促去家。長日壯圖看劍氣。隔宵喜信報燈花。輕裝度隴由來慣。逸轡追塵不待撻。賓主禦戎俱有策。只陪談笑却邊沙。

十萬強弓略未彎。妖氛漸滅賀蘭山。元侯把詔開新府。上客隨書出故關。詩酒不妨行樂外。功名只在立談間。主人待勒燕然石。誰道能銘獨姓班。

幾載關西任醉醒。一朝意緒屬青冥。舌端江海傾談韻。掌內風雲指陣形。烏府中丞知國器。中憲王公知朝于鴻樞學士納邊庭。二公遠近觀成效。莫使旄頭尙有星。

入秦乘夏頗相宜。笑拂征鞍盡別卮。鸚鵡隴西迎賦筆。芙蓉幕裏近花期。祖琨清發能長嘯。老杜冥搜有

雜詩。杜子美有君去定應兼二美。軍書暇日戍樓時。

走筆和楊蟠從事庭菊

揚子門無載酒賓。菊開誰共醉天真。簷前寂寞逢吟客。霜後蹉跎伴主人。鈿帶綴花疑細翦。金錢繞屋豈全貧。東家早秀誇桃李。今日空枝不似春。

河北送洪景之進士如荆南

十年肝膽照交情。朔漠相逢意轉傾。蒼鬢飄飆予薄宦。青雲蹭蹬子諸生。更同樽俎知何地。漫與詩篇送子行。南北倦遊那得定。扁舟江水欲之荆。

依韻和答陳公度五邑季點道中見寄之什

幕府清郎安在哉。方冬行縣冒塵埃。寂寥坐客思車樂。點檢詩朋欠鼎來。按吏最誰官簿整。教民幾處戰旗開。此行兼點鄉兵未應輸我論文飲。贏得新詩滿篋回。

北都春日漫書

蓬鬢雙侵京國塵。花枝五別故園春。曉鶯莫漫驚遊宦。夜鶴多應怨主人。日月名遲愁攬鏡。江湖興在憶垂綸。天邊涕淚懷吾弟。卻恨衣冠繫此身。

苦熱

羣鳥無聲抱翠條。乾坤雖廣絕微飈。魚龍尙懼滄溟沸。草木甘從赤日焦。只與火雲張氣勢。未容霖雨解炎歊。經時未雨猶閒事。莫放晴虹作旱妖。

觀蓮

水仙也曝晚霞衣。萬片鮮紅照綠池。花近酒盃逾酷烈。蓋隨舞袖忽欹垂。且延勝賞觀靈匹。好折清香贈侍姬。苦被濁泥埋沒久。題詩今喜相公知。

韓魏公生日二首

早陪樞筦晚持衡。曾與君王致太平。一代盡宗蕭相畫。四瀛猶服晉公名。乾坤爽氣初秋動。社稷元勳翌日生。今歲故鄉諸父老。壽樽應喜得親傾。

功名富貴舊元台。誕日新歸故里來。綺席重張孫相閣。錦衣三照鄴王臺。相望全魏榮封國。不盡清漳伴

壽杯。最是銜恩門下客。秀眉前祝落鄒枚。

榮歸堂二首

堂就新紆上相車。名尊爲出紫泥書。公以詔語名堂清杯燕喜三春半。黃閣歸來一紀餘。香徑生輝榮草木。畫簷

垂蔭樂禽魚。官輕可笑江東老也。漫懷章詫里閭。

嫩柳濃花圍舊圃。朱甍碧瓦照春池。黃金腰下還鄉印。翠琰胸中報國詩。乘駟長卿羞志淺。懷章公子恨名遲。知公觸事須尊主。揭榜新堂是訓辭。

依韻和酬留別

魏國山河氣自雄。殊方客子一身窮。靈文獨富肝脾內。秀句連成咳唾中。細數舊遊如俯仰。俄驚新別又西東。郡侯早晚論高行。嬾就秋闈望至公。

九日二首

去歲重陽踏路塵。異鄉今日恨還新。如何佳節長爲客。卻恐黃花解笑人。強飲破愁爲樂酒。自憐多病足情身。龍山舊事知難問。千載相期屬此辰。

漸老襟懷已足悲。登高節物可無詩。秋聲颯爽侵蓬髮。晚意蕭條伴菊枝。故里江山尋好處。重陽樽酒負當時。天邊鴻鴈隨南望。憶弟雙眸淚欲垂。

馬上見華山

身寄秦川紫翠間。舉頭行坐對南山。忽來烟際逢仙掌。更覺天邊慰客顏。霖雨不知何日作。片雲猶向此時閒。三峯信美那能戀。自有家林未得還。

西距渭南二十里。有佛祠曰梁田。其主僧守遂者。引予登閣。久之欲題名屋壁。守遂遽阻曰。有榜諭。恐得罪于邑大夫。願勿題。又閣有韓玉汝赴洋州日留題詩板。而書字猶新。詢于守遂曰。前日韓將漕本道亦邑宰。令寫之詩也。因感世態而作。

洋州太守駐雙輪。佳句曾留渭水春。一紀却提關右節。二篇纔出屋間塵。濡毫忽聽山僧語。題柱須防縣令嗔。只道衣冠專世態。炎涼也屬不毛人。

五路嶺

一徑高盤十里餘。人心馬足厭崎嶇。只憑頑石專爲險。不識青雲自有衢。地氣難通樹多瘦。陽暉應近草先枯。我行方欲奮遐跡。顧爾安能礙坦途。

和梁潤之晚登繡嶺

翠華絳節去忘還。輦路宮牆壞舊山。青史空文興廢後。玉真餘恨有無間。杖藜一笑緣危徑。弄筆高吟望故關。足力怪君強健甚。慣行棧道不爲艱。

依韻酬獻陳州王密學見寄二首

觸熱初來太華西。恐煩後命促佳期。杜子美送李祕書赴杜相公幕。有恐失佳期後命催之句。兩人幕府叨同

張宮舍俱參幕下。千載門闌值一時。儲邸忽開趨命召。賓筵空在失棲遲。念公詩句情無極。更聽秦民話去思。憶昨驅車始向西。樊川又見菊花期。滯留舊幕嗟今日。談笑清樽記昔時。屢辟濫充賓客晚。厚恩慙報主人遲。淮南臥治那能久。天子懷賢入夢思。

和張文通書懷

仕塗衆僞雜吾真。誰信千鈞重一身。赫赫朱門公相遠。寥寥黃卷聖賢親。府居此日嗟孤宦。鄉飲當年認上賓。猶喜故人同舊幕。每容詩句續陽春。

依韻和張文通寺丞寄鮮于子駿職方

西州夫子善談天。語入精微服四筵。子駿尤深於易。交分正論詩卷裏。別愁忽到酒樽邊。馬衝雪片歸梁苑。鸞喚年芳憶渭川。盛事青雲看接跡。衣冠鄉里舊多賢。閩州陳氏在衣冠盛事爲最多。

送隴州使君劉仲儀左藏赴治

夾道濃香數里焚。隨車和氣一城薰。兵民如見古循吏。文武兼能今使君。冷射祠堂沂水月。晴飛郡閣隴山雲。幕中知有才從事。樽俎清談定喜聞。雷從事實長安佳士

依韻和酬順安使君王大觀見寄之什

蒼鬢蕭疎並曲臺。子嘗與大觀同爲博士太常。北門笑口屢同開。仲升投筆燕南去。王粲從軍陝右來。月冷戍樓悲短笛。奉狀。天寒戎幕賴深杯。更爲後會知何地。終日思君首懶回。

送人還闕

談笑三年陪主帥。文章二紀在公卿。莫辭別酒傾秦地。古詩有秦地少年多釀酒之句且聽離歌唱渭城。鞍馬入關侵臘尾。宮鶯到闕破春聲。朝廷拔擢賢才急。合有當塗薦姓名。

依韻和達守徐郎中見寄

鏡鼓鳴船送出都。中間不奉一行書。荷公恩禮無時薄。接物襟懷似舊虛。久別近參元帥幕。相逢屢枉使君車。詩筒自附西來驛。那要烟波雙鯉魚。

依韻奉和經略司徒侍中寒食後池詩二首

放懷吟笑艷陽天。誰似征西相國賢。春酒丁寧終席滿。風花點檢幾枝全。柳間鶯踏柔條軟。池面魚吹細浪圓。東閣恨參賓客晚。五湖那暇憶漁船。

置酒高吟禁火天。主人勳德重章賢。廟朝論道看三入。樽俎談兵已萬全。曉竹洗烟叢玉瘦。春池濺雨亂珠圓。曲江壯觀今蕪沒。不復紅妝照客船。

南軒小桃盛開。皆言羣花未發。而此獨先之。偶成短篇呈諸君。

紫萼紅英細細裝。新枝短短舊枝長。未經曉日誰言艷。可藉春風自有香。卻恐折殘妨把酒。若爲遮住莫臨牆。關中氣候由來晚。二月花開豈是忙。

長安春日感懷

誰道關中節候遲。晴川二月繡參差。有期去燕尋歸棟。不改新花發舊枝。宦路飄飄無定所。客顏顛顛頓異時。林花巢燕休相笑。攬照懷鄉已自知。

保安楊公濟書來問疾以詩答之

青雲意緒漸悠然。白晝昏昏懶欲眠。詩攪肺腸來暇日。病驅腰腳入衰年。春來把酒猶能強。老去逢花只漫憐。童稚情親今好在。遠煩問訊到秦川。

次韻答方晦之

昔時英傑未伸時。胯下淮陰尙俛眉。之子古心能自信。衆人謗口不須疑。討論直取遺經本。芟剔寧容異說枝。聖世尊儒君富學。等閒危涕莫交洩。

依韻奉和經略司徒侍中清明興慶池上之作

後騎前騶拂曉晴。風光初轉繡旗明。功名上相班春樂。談笑西戎計日平。烟際飛禽屏上見。水邊遊妓鑑中行。勸公急趁花時醉。宰席猶虛主意傾。

春日興慶池上作

韋杜風光掠眼明。南山秀色入重城。林端袞袞晴烟起。冰底濺濺亂水鳴。載酒小舟聊晚泊。隔花幽鳥忽春聲。漢唐壯觀今何在。惟有新蒲細草生。

奉和經略司徒侍中垂蘿洞之什

洞裏流泉過幾家。洞門一醉與何賒。桐飄欲下題詩葉。桃笑猶存誤客花。清結晚陰堪宿鳥。綠牽春蔓擬藏蛇。相君燕喜緣賓樂。滌上誰人合姓車。

和司徒侍中上巳會興慶池韻

熒煌台座隔魁三。杜工部詩有君家最近魁三象之句。喜對新詩見二南。好酒似聽山鳥勸。落花真惜野蜂銜。天光不斷連

春水。月影初來破夕嵐。紅旆欲歸珠履散。遊人猶愛畫船攬。

依韻奉和判府經略司徒侍中上巳晚遊九曲池詩

地勢盤紆巧鑿開。當年匠意亦多才。池名不逐唐宮廢。岸折猶如蜀阪來。水落有時逢舊石。草深無處覓遺臺。行春丞相尋陳迹。往事空嗟浩劫灰。

長安上巳日對雨憶杭州

三月吾鄉三日盛。一春盛事一時傳。山花迎笑探芳騎。水鳥驚飛張樂船。今對清樽看細雨。更搔短髮數流年。曲江蕪沒不堪覩。那復麗人來水邊。

經春長在幕府今日偶出見花

幕府文書日日同。愧無長策議平戎。但驚蓬鬢看雙白。不覺花枝已半紅。宦意蹉跎侵晚景。客愁散漫逐春風。古人枉說從軍樂。興在江湖短艇中。

當年祕寶已無形。獨有層峯似舊青。不許俗人留轍跡。却應神物護巖扃。山腰猿嘯孤烟暝。洞口龍歸暴雨腥。今日一來探絕賞。始知全勝考圖經。

登塔

身世如追汗漫遊。丹梯一步擬三休。漢唐前後漫陳迹。城郭是非勞寸眸。寒日微明飛鳥背。孤烟漸起暮山頭。姓名滿壁今空在。登此幾人忘百憂。杜子美登塔詩有自非曠士懷登茲翻百憂之句。

依韻和尹嗣復祕校登回鑾寺閣有感之什

尹子辭才兩峴奇。家聲好繼漢翁歸。人間茂器無施設。天畔危欄獨據依。詩興遠隨孤鳥逝。客心閒傍片雲飛。登臨不比江南節。何事徘徊怨落暉。

依韻奉和判府經略司徒侍中春陰馬上之什

濕雲落地未回天。墜絮將飛力尙綿。霧重自侵旗尾潤。日高誰傍甕頭眠。行田歲望三登穀。按轡詩成萬選錢。霖雨長應隨出處。春來只見月光圓。

送成都舊尹趙龍圖至驪山作

阻傍嚴公住浣花。喜從秦地見高牙。致君前去心逾赤。撫俗歸來髮未華。路出錦江乘夜月。騎停繡嶺揖朝霞。自憐二紀遊門下。今日聊能託後車。

依韻奉和判府司徒侍中賞西禪院牡丹之什